

# Macaafa Qulqulluu Daa'immaniif Dhihaate

Kakuu  
Waaqayyoo  
Abrahaamiif




Kan barreeffame: Edward Hughes  
Kan ibsame: Byron Unger; Lazarus  
Kan dagaagsame: M. Maillot; Tammy S.  
Kan hiikkame: Zemendale Translation Service  
email: zemendale@gmail.com  
Po Box 32155, Addis Ababa, Ethiopia  
Kan qophaa'e: Bible for Children  
[www.M1914.org](http://www.M1914.org)

BFC  
PO Box 3  
Winnipeg, MB R3C 2G1  
Canada

©2020 Bible for Children, Inc.

Eeyyama: Seenaa kana hamma hin gugurreetti garagalfacuu ta'ee  
Maxxansiifacuu ni dandeessu.





Lolaa sana yeroo  
dheeraa booda,  
namoonni biyya lafaa  
irraa karoora baafatan.



“Magaalaa guddaa utubaan  
isaa samii ga’u ijaarra”  
jedhan. “Yeroo hundumaa  
waliin haa jiraannu.” Hundi  
isaanii afaan tokko dubbatu.




Waaqayyo namoonni guutummaa biyya lafaa irra akka jiraatan barbaade. Kanaaf waan adda ta'e tokko hojjete. Akka tasaa, gareen namootaa afaan adda addaa dubbachuu eegalan. Waaqayyo afaanota haaraa isaaniif kenne.



Namoonni afaan tokko dubbachaa turan sun addaan  
faca'an. Tarii namoonni namoota hubachuu hin  
dandeenye isaan kaan sodaatan.




Haala kanaan, Waaqayyo akka namoonni biyyoota  
adda addaa guutan taasise. Magaalaa isaan keessee  
ba'an sun Baabiloon jedhama, hiikni isaas



bitaacha'ummaa  
jechuudha.




Waggoota booda,  
biyya Kaliidotaa bakka  
Uur jedhamutti,  
Waaqayyo nama  
Abraam jedhamutti  
dubbate. "Biyy kana  
keessaa ba'i" jedhee  
isa abboome  
Waaqayyo.  
"Gara biyya  
ani si  
argisiisuu  
deemi."







Abrahaam ni abboomame. Waaqayyo Kana'aanitti isa geesse. Haati manaa isaa Saaraa fi ilmi obboleessa isaa Loox isa waliin deeman.



Kana'aan keessatti, Abrahaamii fi  
Loox lachuun isaanii ni durooman.  
Loon hedduu horatan. Horii  
hedduu sanaaf bakki dheedichaa  
ga'aan hin turre.




Warri horii Loox tiksan warra  
horii Abrahaam tiksan wajjin  
wal lolan. Abrahaam, "Lolli nu  
gidduutti hin ta'iin" jedhe.  
"Adda baana. Loox, ati bakka  
filatte fudhatta."




Loox lafa diriiraa marga gaarii qabu  
kan magaalonnii fi gandeen keessa  
jiran filate. Iddoon sun gaarii  
fakkaata. Magaalonni sun garuu  
namoota xuraa'oon  
guutamaniituran.



Erga Loox isa irraa  
adda ba'ee, Waaqayyo deebisee  
Abrahaamitti dubbate. "Bara  
baraan lafa Kana'aan sii fi ijoollee  
keef dhaala godhee kenneera."



Abraamii fi Saaraan ijoollee  
hin qaban turan. Waaqayyo  
waadaa isa guddaa kana  
akkamitti raawwata?





Namoonni sadii Waaqayyo biraa gara Abraamii fi Saaraa dhufan. "Daftee mucaa godhachuuf jirta" ittiin jedhan. Saaraan ni kolfite. Isheen ergaa Waaqayyoo hin amanne.





Dubartii waggaa sagaltamaa turte. Waaqayyo kana booda Abraam maqaan isaa Abrahaam (abbaa ol qabamaa) akka jedhamu; Saaraan immoo Sahaaraa (giiftii) akka jedhamtu itti dubbate.







Itti fufees Waaqayyo  
magaalota xuraa'oo  
lamaan, Sodoonii fi  
Gomoraa, akka balleessu  
Abrahaamitti dubbate.

Ilmi obboleessa

Abrahaam, Loox  
maatii isaa waliin



Sodoom keessa  
jiraata ture.




Loox yeroo  
dheekkamsi  
Waaqayyoo dhufe  
ni amane, abbaa  
manoonni durboota  
isaa garuu Sodoom  
keessaa ba'uu  
didan. Akkam  
nama gaddisiisa!  
Isaan dubbii  
Waaqayyoo  
hin amanne.



Looxii fi durboota isaa qofatu  
fudhate. Magaalonni xuraa'oon  
sun ibiddaa fi dhagaa boba'uun  
barbadoofte.

Haala nama  
gaddisiisuun, ...



... haati manaa Loox  
akeekkachiisa Waaqayyo  
kenneef sanaaf abboomamuu  
diddee gara booddee ishee ilaalte.  
Utubaa ashaboo  
taatee hafte.



GOOFTAAN kakuu  
Abrahaamii fi  
Sahaaraaf gale  
ni raawwate.

Akkuma  
Waaqayyo  
dubbatee ture,  
bara dulluma  
isaaniitti mucaa  
godhatan. Yeroo  
Yisihaaq dhalatan  
akkam  
gammadan  
laata!



Tarii Abrahaam  
waa'ee kakuu  
Waaqayyo biyya  
Kana'aaniin bara  
baraan isaa fi  
ijoollee isaaf  
kennuuf



kakates  
yaadaa ture.



Waaqayyo  
kakuu sanas  
immoo ni eega.  
Waaqayyo yeroo  
hundumaa kakuu  
isaa ni eega.



Kakuu Waaqayyoo Abrahaamiif

Seenaa Sagalee Waaqayyoo Macaafa Qulqulluu

kan keessatti argamu


Seera Uumamaa 11-21

"Saaqamuun dubbii keetii ifa in kenna."

Faarsaa 119:130








Xumurameera



4



60



Seenaan Macaafa Qulqulluu kun kan haasa'u waa'ee Waaqayyo keenya  
Isa dinqii Isa nu uumeefi Isa akka Isa beeknu barbaaduuti.

Waaqayyo wanta hamaa isa Inni cubbuu jedhuun akka raaw'anne ni  
beeka. Adabbiin cubbuu du'a. Waaqayyo garuu guddaa si jaallata,  
kanaaf cubbuu keetiif akka fannoorratti du'uufi akka adabamuuf  
Tokkicha Ilma Isaa Yesuus dabarsee siif ni kenne. Sana booda Yesuus  
gara jireenyaatti deebi'ee gara iddoo jireenya Isaa gara Waaqaa ni  
deeme! Yesuusitti amantee cubbuu keetiif akka siif dhiisuuf yoo Isa  
gaafatte, Inni siif ni dhiisa! Yeroo kana dhufee si wajjin ni jiraata,  
akkasumas immoo atis Isaa wajjin bara baraaf ni jiraatta.

Inni kun dhugaa ta'uu isaa yoo amante, Waaqayyoon akkas jedhiin:  
Yaa Yesuus, Ati Waaqayyo ta'uu kee fi cubbuu kootiif du'uuf jettee  
akka annaf dhufte nan amana, ammas kunoo deebitee ni jiraatta.  
Maaloo gara jireenya kootti koottuutii amma jireenya haaraa akkan  
jiraachuu akkan danda'uufi guyyaa tokko sin wajjin bara baraaf  
jiraachuuf gara kee akkan dhaquuf cubbuu kootiif naaf dhiisi.  
Abboommii kee akkan eeguufi akka mucaa keetti akkan jiraadhuuf  
na gargaari. Ameen.

Macaafa Qulqulluu dubbisiitii guyyuma hundumaa Waaqayyoo  
wajjin dubbadhu! Wangeela Yohaannis 3:16

